

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 V 016826 22 V

Novi Travnik, 16.06.2022. godine

Kantonalni sud u Novom Travniku, sutkinja Mirjana Grubešić, u vanparničnom postupku predlagatelja D.b., sin M., nastanjen na adresi..., ..., SRN, zastupan po punomoćniku M.B. iz N.T., ..., protiv protupredlagateljice O.B. rođena I., kći I., nastanjena na adresi P.,, SRN., radi priznanja strane sudske odluke o razvodu braka, dana 16.06.2022. godine, donio je slijedeće:

RJEŠENJE

Priznaje se odluka o razvodu braka Prvostupanjskog/Općinskog suda Calw, Porodični/Obiteljski sud Poslovni broj spisa: 7 F 405/20 od 29.03.2022. godine u stavu 1. izreke, koja odluka je pravomoćna od 17.05.2022. godine, kojom se razvodi brak između predlagatelja D.B, rođen godine u T., i protupredlagateljice O.B, rođena godine u S., M., koji je zaključen dana 04.11.2017. godine pred Matičnim uredom u Travniku, Bosna i Hercegovina (izvod iz matične knjige vjenčanih-br: 03-12-201-1452/20) upisan u matičnu knjigu vjenčanih koja se vodi za mjesto Travnik pod rednim brojem 177 za 2017. godinu.

Troškove postupka snosi predlagatelj.

Obrazloženje

Predlagatelj je neposredno ovom sudu dana 16.06.2022. godine podnio pismeni prijedlog za priznanje strane sudske odluke o razvodu braka Prvostupanjskog/Općinskog suda Calw, Porodični/Obiteljski sud Poslovni broj spisa: 7 F 405/20 od 29.03.2022. godine, koja odluka je pravomoćna od 17.05.2022. godine, a kojom je u stavu 1. izreke razveden brak između vanparničnih stranaka. Uz prijedlog za priznanje strane sudske odluke priloženi su slijedeći dokumenti: original strana sudska odluka čije se priznanje traži, prijevod odluke od ovlaštenog sudskog tumača za njemački jezik sa područja BiH, izvod iz matične knjige vjenčanih izdat od Matičnog ureda Općine Novi Travnik broj: 03-10-2-520/2022 od 14.06.2022. godine, izvod iz Matične knjige rođenih izdat od Matičnog ureda Općine Novi Travnik broj: 03-10-1-2980/2022 od 14.06.2022. godine, original punomoć za zastupanje izdata od strane predlagatelja kao vlastodavca i dokaz o uplati sudske takse - uplatnica u iznosu od 200,00 KM.

Ocjenjujući osnovanost prijedloga za priznanje strane sudske odluke, ovaj sud je utvrdio: da se radi o pravomoćnoj stranoj sudskoj odluci o razvodu braka između državljanina Bosne i Hercegovine i državljanke Republike Hrvatske, koji je

zaključen dana 04.11.2017. godine pred Matičnim uredom u Travniku, Bosna i Hercegovina, upisan u matičnu knjigu vjenčanih koja se vodi za mjesto Travnik, da su u postupku razvoda braka učestvovala obje vanparnične stranke, da odluka o razvodu braka nije protivna odredbama Ustava BiH, da se radi o statusnom sporu zbog čega se reciprocitet pretpostavlja i da nije povrijeđen međunarodni javni poredak.

Obzirom na činjenicu da je predlagatelj rođen u Bosni i Hercegovini i da je državljanin Bosne i Hercegovine, da je brak između vanparničnih stranaka zaključen pred Matičnim uredom Općine Travnik, Bosna i Hercegovina i isti upisan u matičnoj knjizi vjenčanih koja se vodi za mjesto Travnik, kao i da je službena zabilješka braka upisana u matičnoj knjizi rođenih za predlagatelja koja se vodi za mjesto Putićevo - Travnik pod rednim brojem 23 za 1984. godinu, to je očigledno da predlagatelj ima pravni interes da se nastala statusna promjena upiše kod nadležnog matičnog ureda u Bosni i Hercegovini, zbog čega je ovaj sud zaključio da je prijedlog utemeljen.

Slijedom naprijed izloženog, ovaj sud je odlučio kao u izreci ovog rješenja u skladu sa odredbama člana od 86. do 97. preuzetog Zakona o rješavanju sukoba Zakona sa propisima drugih zemalja u određenim odnosima ("Službeni list SFRJ" broj 43/82, 72/82, "Službeni list Republike BiH" broj 02/92), koji je preuzet kao republički propis, a potom federalni i koji se primjenjuje u skladu sa članom 458. Zakona o parničnom postupku („Službene novine Federacije BiH“ broj 53/03, 73/05, 19/06 i 98/15) i članom 28. stav 3. točka e) Zakona o sudovima u Federaciji Bosne i Hercegovine ("Službene novine Federacije BiH" broj 38/05).

Na temelju Tarifnog broja 1. točka 10. i Tarifnog broja 2. stav 1. koji je sastavni dio Zakona o sudskim taksama ("Službene novine SBK/KSB" broj 4/2017 i 15/20), predlagatelj je dana 16.06.2022. godine uplatio sudsku taksu u iznosu od 200,00 KM.

Sutkinja
Mirjana Grubešić

Pouka o pravnom lijeku:

Protiv ovog rješenja može se izjaviti žalba
u roku od 15 dana od dana prijema rješenja Vrhovnom
sudu Federacije BiH, a podnosi se putem ovog suda
u tri primjerka.